

女科準繩 五之一

產後門

產後通用方

胞衣不下

血暈 厥逆

血不下

血不止

心痛

腹痛

脇脹痛

胃脘痛

頭痛

脚氣

遍身疼痛

中風

女科證治準繩卷之五

金壇王肯堂輯

瘦樵程永培校

產後門

產後調將法

大全凡生產畢飲熱童便一盞不得便卧且宜閉目而坐須臾上床宜仰卧不宜側卧宜豎膝未可伸足高倚床頭厚鋪裯褥遮圍四壁使無孔隙免致賊風及以醋塗鼻或用醋炭及燒漆器更以手從心膈至臍下使惡露不滯如此三日以防血暈血逆不問腹痛不痛有病無病以童便和酒半盞溫服五七服妙

酒雖行血亦不可多恐引血入四肢且能昏暈宜頻
食白粥少許一月之後宜食羊肉豬蹄少許仍慎言
語七情寒暑梳頭洗足以百日爲度若氣血素弱者
不計日月否則患手足腰腿痠痛等證名曰蓐勞最
難治療初產時不可問是男媿恐因言語而泄氣或
以愛憎而動氣皆能致病不可獨宿恐致虛驚不可
刮舌恐傷心氣不可刷齒恐致血逆須血氣平復方
可治事犯時微若秋毫成病重如山嶽可不戒哉陳藏

器云漬苧汁與產婦服之將苧麻與產婦
枕之止血暈產婦腹痛以苧安腹上則止

產婦將

息如法臟腑調和庶無諸疾苦須先服黑神散四物

湯四順理中丸七寶散若壯熱頭痛此乳脉將行用
玉露散頭目不清是血暈用清魂散粥食不美是胃
氣虛用四順理中丸 〔丹或曰初產之婦好血已虧
汚血或畱彼黑神散非要藥乎答曰至哉坤元萬物
資生理之常也初產之婦好血未必虧汚血未必積
藏府未必寒何以藥爲飲食起居勤加調護何病之
有誠有汚血體怯而寒與之數貼亦自簡便或有他
病當求病起何因病在何經氣病治氣血病治血何
用拘執此方例令服餌設有性急者形瘦者本有怒
火者夏月坐蓐者時有火令薑桂皆爲禁藥至于將

護之法尤爲悖理肉汁發陰經之火易成內傷之病也先哲具有訓戒胡爲以羊雞濃汁作糜而又常服當歸丸當歸建中湯四順理中丸雖是補劑並是偏熱藏府無寒何處消受若夫兒之初生母腹頓寬便啖雞子且吃夥鹽不思雞子難化夥鹽發熱展轉生證不知所因率爾用藥甯不誤人予每見產婦之無疾者必教之以却去黑神散與夫雞子夥鹽諸品肉食且與白粥將理間以些少鯊魚煮令淡食之半月後方與少肉若雞子亦須豁開淡煮大能養胃却疾彼富貴之家驕恣之婦卒有白帶頭風氣痛膈滿痰

逆口乾經事不調髮禿體倦皆是陽盛陰虛之病天生血氣本自和平曰盛曰虛又烏知非此等繆迷有以兆之耶

千金云凡產後滿百日乃可會合不爾至死虛羸百疾滋長慎之 凡婦人患風氣臍下虛冷莫不由此早行房故也 產後七日內惡血未盡不可服湯候臍下塊散乃進羊肉湯有痛甚切者不在此例候兩三日消息可服澤蘭丸此至滿月丸藥盡爲佳不爾虛損不可平復也至極消瘦不可救者服五石澤蘭丸補之服法必七日之外不得早服也 凡婦人因

暑月產乳取涼太多得風冷腹中積聚百疾競起迄
至於死百方療不能差桃仁煎主之出蓐後服之婦
人總令無病每至秋冬須服一二劑以至年內常將
服之佳

丹溪云產後以大補氣血爲先雖有雜證以末治之
產後一切皆不可發表 產後不可用芍藥以酸
寒伐生發之氣故也

通用方

無他
疾宜
調脾
胃

加味四君子湯 新產之後雖無疾故宜將息調理
脾胃美進飲食則臟腑易平復氣血自然和調百

疾不生也

人參

茯苓

白朮

甘草

陳皮

藿香

縮砂仁

黃芪

各等分

右劉散每服肆錢薑叁片棗壹枚煎溫服

四順理中丸 治新產血氣俱傷脾胃不調百日內

宜常服

人參

去蘆

乾薑

炮

白朮

各壹兩

甘草

炙半兩
為細末

右煉蜜丸如桐子大每服伍拾丸空心米飲送下

有熱者清之

地黃丸

治產後腹痛眼見黑花或發狂如見鬼狀

或胎衣不下失音不語心胸脹滿水穀不化口乾

煩渴寒熱往來口內生瘡咽喉腫毒心中忪悸夜

不得睡產後中風角弓反張面赤牙關緊急或崩

中如豚肝臍腹疴痛煩躁恍惚四肢腫滿及受胎

不穩唇口指甲青黑

生地黄

研取汁留滓

生薑

各取斤研取汁留滓

蒲黃

當歸

各肆兩

右於銀石器內取生地黄汁炒生薑滓以薑汁炒

地黃滓各令乾四味同焙研為細末醋煮麵糊為

丸如彈子大每服壹丸食前當歸酒化下 一方

只用地黃生薑依交加法制為末每服叁錢酒下

當歸散 見前胎墮半產條

四味湯 治產後一切諸疾纔方分娩一服尤妙

當歸 心膈煩加半錢 元胡索 氣悶喘加半錢 血竭 惡露不快加半錢

沒藥 心腹撮痛加半錢

右等分為細末每服貳錢食前以童子小便壹鍾

煎至陸分溫服

玉露散 治產後乳脉不行身體壯熱疼痛頭目昏

眩大便澁滯此藥涼膈壓熱下乳

人參

白茯苓

甘草 各半兩

川芎

苦梗 炒

白芷 各壹兩

當歸 貳錢半

芍藥 柒錢半

右爲細末每服貳平錢水壹盞煎至柒分溫服如
煩熱甚大便秘者加大黃貳錢半

地黃煎 治產後諸疾

生地黃汁

生薑汁 各壹升

藕汁 半升

大麻仁

叁兩去殼研

右和勻以銀器內慢火熬成膏溫酒調服半匙更
以北朮煎膏入半匙尤佳 產寶方無麻仁用白

蜜治產後虛憊盜汗嘔吐

地黃酒 治產後百病未產一月先釀產訖可服

地黃汁

好麴

好淨秫米

蒸各貳升

右先以地黃汁漬麴令發準家法釀之至熟封七日取清者服常服令酒氣相接勿令絕忌蒜生冷鮮滑雞豬肉一切毒物凡婦人皆可服但夏三月不可釀春秋宜作以地黃汁并滓內米中炊合用之若作一石十石準此二升爲則先服當歸湯後服此妙

桃仁煎 療產後百病諸氣

桃仁

壹千貳百枚去皮尖及雙仁熬令黃色

右搗令極細以上等酒壹斗伍升同研三四遍如作麥粥法以極細為佳入小長頸瓷瓶中密塞以麵封之納湯中煮一伏時不停火亦勿令火猛使餅口常出在湯上勿令沒之候熟取出溫酒服壹合日再服

產後醋墨

松烟細墨

不拘多少用炭火煨通紅以米醋淬之再煨再淬如此柒度

右研令

極細用絹羅過纔產了服貳錢以童便調下

黑神散

治婦人產後惡露不盡胞衣不下攻衝心

寒者溫之

胸痞滿或臍腹堅脹撮痛及血暈神昏眼黑口噤
產後瘀血諸疾並皆治之 又名烏金散治產後

十八證一曰因熱病胎死腹中二曰產難三曰胞

衣不下四曰血暈五曰口乾心悶六曰乍寒乍熱

七日虛腫八曰乍見鬼神九曰月內不語十曰腹

痛泄瀉兼服止瀉調氣藥十一曰徧身疼痛十二曰血崩

十三曰血氣不通咳嗽十四曰寒熱心痛月候不

來十五曰腹脹滿嘔逆不定次服朱砂丸三二日炒生薑醋湯下柴丸

十六曰口鼻黑氣及鼻衄此證不治十七曰喉中氣

喘急死不治十八曰中風

熟乾地黃

蒲黃炒

當歸

乾薑炮

桂心

芍藥

甘草各肆兩

黑豆炒去皮半升

右為細末每服貳錢酒童便各半盞同煎服

琥珀散 治產後一切危急之疾

琥珀

朱砂

麝香

香墨醋炙

僵蠶

當歸各貳錢半

鯉魚鱗炒焦

桂心

百草霜

白附子

梁上塵炒令烟出篩淨各半兩

細末之炒生薑熱酒調服貳錢効

千金增損澤蘭丸 療產後百病理血氣補虛勞

澤蘭

甘草

當歸

川芎

各壹兩柒錢半

附子

炮

乾薑

白朮

白芷

桂心

北細辛

各壹兩

北防風

人參

牛膝

各壹兩貳錢半

柏子仁

熟地黃

石斛

各壹兩半

厚朴

藁本

蕪荑

各伍錢

麥門冬

去心貳兩

右共爲細末煉蜜丸如梧桐子大溫酒下貳拾丸

黑龍丹 治產後一切血疾產難胎衣不下危急惡

疾垂死者但灌藥得下無不全活

當歸

五靈脂

川芎

良薑

熟地黃

各壹兩

右細剉以沙合盛赤石脂泥縫紙筋鹽泥固濟炭火十斤煨令通赤去火候冷開看成黑槽色取出

細研却入後藥

百草霜

伍兩

硫黃

乳香

各壹錢半

花藥石

琥珀

各壹錢

右五味並細研與前五味再研如法修製和勻以米醋煮麵糊丸如彈子大每服壹丸炭火燒令通

赤投於生薑自然汁與童子小便入酒漉出控乾
研細只用此酒調下

〔診〕婦人生產之後寸口脉洪疾不調者死沉微附骨
不絕者生 婦人新生乳子脉沉小滑者生實大堅
弦急者死

此處有模糊的墨迹，疑似文字，但已无法辨识。

此處有模糊的墨迹，疑似文字，但已无法辨识。

胞衣不下

大全夫有產兒出胞衣不落者世謂之息胞由產初時用力比產兒出而體已疲憊不復能用力產胞經停之間而外冷乘之則血道澁故胞衣不出須急以方藥救治不妨害於兒所奈者胞繫連兒臍胞不出卽不得以時斷臍浴洗冷氣傷兒則成病也舊法胞衣不出恐損兒者依法截臍而已產處須順四時方向并避五行禁忌若有觸犯多令產婦難產 郭稽中論曰胎衣不下者何答曰母生子訖流血入衣中衣爲血所脹故不得下治之稍緩脹滿腹中次上衝

心胸疼痛喘急者但服奪命丹以逐去衣中之血血散脹消胎衣自下牛膝湯亦効
薛有因惡露入衣
脹而不能出有因元氣虧損而不能送出其惡露流衣中者腹中脹痛用奪命丹或失笑散以消瘀血緩則不救其元氣不能送者腹中不脹痛用保生無憂散以補固元氣或用葶麻子肉壹兩細研成膏塗母右脚心衣下卽洗去緩則腸亦出如腸不上仍用此膏塗腦頂則腸自入益母丸亦効
家人婦胎衣不出胸腹脹痛手不敢近此瘀血爲患用熱酒下失笑散一劑惡露胎衣並下
一產婦胎衣不出腹不脹

痛手按之痛稍緩此是氣虛而不能送出用無憂散而下前證余詢諸穩婆云宜服益母草丸或就以產婦頭髮入口作嘔胎衣自出其不出者必死授與前法甚効 一產婦產後面赤五心煩熱敗血入胞胞衣不下熱有冷汗思但去其敗血其衣自下遂用烏豆貳合炒透然後燒紅鐵秤錘同豆淬其酒將豆淋酒化下益母丹二丸胞衣從血而出餘證盡平

奪命丹

附子

半兩
炮

牡丹皮

壹兩

乾漆

貳錢半
碎
之炒烟盡

右爲細末以醞醋壹升大黃末壹兩同熬成膏和

藥丸如梧子大溫酒吞伍柒丸不拘時

花藥石散

治產後氣欲絕緣敗血不盡血迷血暈

惡血奔心胎死腹中胎衣不下至死者但心頭暖
急以童子小便調壹錢取下惡物如豬肝終身無
血風血氣疾膈上有血化爲黃水卽吐出或小便
中出也若先下胎衣則汎汎之藥不能達若先治
血悶則尋常之藥無此功無如此藥有兩全之効

花藥石

壹斤

上色硫黃

肆兩各
研細

右二味相拌令勻先用紙和膠泥固瓦罐子一箇
內可容藥候泥乾入藥在內密泥封口了焙籠內

焙令透熱安在四方磚上

磚上書八卦五行字

用炭一秤籠

疊周匝自巳午時從下生火令漸漸上徹有墜下

火放夾火上直至經宿炭消火冷又放經宿冷定

取出細研以絹羅至細磁合內盛依法用之

此藥便是

療金瘡花藥石散尋常
人自宜時時收蓄防急

一親戚婦人產後胞衣不下血漲迷悶不省人事

告之曰死矣予曰此血脹也可用花藥石散救之

因以一錢童便調灌下卽甦其胎衣與惡水旋即

下而無恙

芎藭散 治胎衣不下

芎藭

當歸

焙各半兩

榆白皮

壹兩剉

爲細末每服貳錢食前用生地黃汁同溫酒調下必効方牛膝湯 治胎衣不出臍腹堅脹急痛卽殺人服此藥胞卽爛下死胎亦下

牛膝

瞿麥

各肆兩

當歸

叁兩

通草

陸兩

滑石

捌兩

葵子

伍兩

右細切以水玖升煮取叁升分叁服若衣不下腹滿卽殺人宜服此藥衣卽爛出也

牛膝散 治妊娠五六月墮胎胞衣不出

牛膝

川芎

朴硝

蒲黃 各柒錢半
桂心 半兩

當歸 壹兩半

右爲粗末每服四錢水壹盞薑叁片生地黄壹錢煎至陸分去滓溫頻服

千金備急丹 治產後惡血衝心胎衣不下腹中血塊以錦紋大黃壹兩爲細末用醞醋半升同煎如膏丸如桐子大溫醋湯吞伍丸或柒丸須臾惡血卽下愈

保命治胎衣不下或子死腹中或血衝上昏悶或血暴下及胎乾不能生產半夏湯主之

方見前
催生

下胎丸

女科

卷五

產後胎衣不下

三

石經堂

半夏

白斂

各半兩

右細末丸如桐子大食後半夏湯下叁拾丸漸加至伍拾丸如未効者須廣大其藥榆白皮散主之又不効用大聖散主之有宿熱者宜服人參荊芥散

治胞衣不出若腹脹則殺人

黑豆壹合

炒令熟

右八

醋壹盞煎叁伍沸去豆分爲三服酒煮亦可

必効方

治胎衣不下服蒲黃如棗大

集驗千金崔氏方並同

又方

生地黄汁

壹升

苦酒

叁合

煖服之

又方

牛膝

壹兩

葵子

壹合

杵碎以水壹盞半煎至壹盞

去滓分二服

廣濟治胎衣不出方

以竈突中土三指撮以水服之

集驗千金
備急同

又方

伏龍肝

一大塊
研碎

用好醋調令相合納臍中續

煎生甘草湯三四合服

又方

醋湯飲之出

又方

雞子

壹
枚

苦酒

壹
合

和飲之立出

延年方

治胎衣不出腹脹則殺入

吞雞子黃三箇仍解髮刺喉中令嘔即出若困極

以水煮螻蛄壹枚二十沸灌入口汁下即出

崔氏
同

救急方 赤小豆

生男七粒生女十四粒

東流順水吞下

療胞衣不下方

菰蘆實壹箇

取子研令細

右酒童便各半盞相和煎至

柒分去滓溫服

如無實根亦得

又方

紅花

壹兩

酒煮濃汁服

又方

以鹿角鎊屑研細參分煮蔥白湯調下

凡欲產時必先脫常所著衣以籠竈胞衣自下仍易

產

廣濟方

取夫單衣蓋井上立出

又方

取產母鞋底火炙熱熨小腹上下二七次

又方 取路傍破草鞋前截連鼻燒灰童便和酒調

下

又方 阜角刺燒爲末每服壹錢溫酒調下

寶慶方云婦人百病莫甚於生產產科之難臨產莫重於催生旣產莫甚於胞衣不下惟有花藥石散一藥最爲緊要如黑神散琥珀散諸方之類雖皆有驗然鄉居或遠於藥局倉卒之間無法可施今有一妙法若產訖胞衣不下停待稍久非特產母疲倦又且血流入胞中爲血所脹上衝心胸喘急疼痛必致危篤若有此證宜急斷臍帶以少物繫墜

以物繫墜之時切宜用心

先繫然後截斷不爾則胞上掩心而死使其子血脉不潮入胞中則胞

衣自當痿縮而下縱淹延數日亦不害人只要產母

心懷安泰終自下矣累試有驗不可輕信坐婆妄用

手法多有因此而亡者慎之慎之

針灸胞衣不下 三陰交 中極各瀉之

標幽又法 照海 內關

甲女子字難若胞不出崑崙主之

血暈 厥逆附

金匱問曰新產婦人有三病一者病瘧二者病鬱冒三者大便難何謂也師曰新產血虛多汗出喜中風故令病瘧亡血復汗寒多故令鬱冒亡津液胃燥故大便難 按產婦鬱冒卽今世所謂血暈也 大全產後血暈者由敗血流入肝經眼黑花頭目旋暈不能起坐甚致昏悶不省人事謂之血暈細酒調黑神散最佳庸醫或作暗風中風治之凡暈血熱乘虛逆上湊心故昏迷不省氣閉欲絕是也然其由有三有用心使力過多而暈有下血多而暈有下血少而暈

其暈雖同治之則異當詳審之下血多而暈者但昏悶煩亂而已當以補血清心藥下血少而暈者乃惡露不下上搶於心心下滿急神昏口噤絕不知人當以破血行血藥古法有云產婦纔分娩訖預燒秤錘或黃石子硬炭燒令通赤置器中急於床前以醋沃之得醋氣可除血暈產後一月時作爲妙崔氏云凡暈者皆是虛熱血氣奔逆腹中空所致欲分娩者第一須先取醞醋以塗口鼻仍置醋於傍使聞其氣兼細細飲之此爲上法如覺暈卽以醋嗅面甦來卽飲醋仍少與解之

一云仍少與水解之

一法燒乾漆令煙濃熏產

母面卽醒

如無乾漆取舊漆器火燒烟熏亦妙

郭稽中論曰產後血

暈者何答曰產後氣血暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼爲暗風若作此治之病必難愈但服清魂散卽省

薛產後元氣虧損惡露乘虛

上攻眼花頭暈或心下滿悶神昏口噤或痰壅盛者急用失笑散主之若血下多而暈或神昏煩亂者大劑芎歸湯補之或芸薑子散或童子小便有痰加二陳湯若因勞心力而致者宜補中益氣湯加香附若因氣血虛極不省人事用清魂散繼以芎歸湯及大

補氣血之劑凡產可用醋漆器熏或用半夏末冷水和丸入鼻孔中並無前患丹溪先生云血暈因氣血俱虛痰火泛上宜以二陳導痰或加減朱砂安神丸以麥門冬湯下亦可大凡產後口眼喎斜等證當大補氣血爲主而兼以治痰若脾胃虛而不能固者用六君子湯至五七個月當服安胎飲至八九箇月再加大腹皮黃楊腦如臨產時更宜服保生無憂散庶無前患 家人婦產後小腹作痛忽牙關緊急灌以失笑散良久而甦又用四物加炮薑白朮陳皮而愈 一產婦兩手麻木服愈風丹天麻丸遍身皆麻神

思倦怠瞶熱作渴自汗盜汗此氣血俱虛也用十全
大補加炮薑數劑諸證悉退却去炮薑又數劑而愈
但內熱此血虛也用逍遙散而痊 一婦八月胎下
墜或動面黃體倦飲食少思此脾氣虛弱用補中益
氣湯倍白朮加蘇梗三十餘劑而安產後眩暈胸滿
咳嗽用四物加茯苓半夏桔梗而愈 一產婦因產
飲酒惡露甚多患血暈口出酒氣此血得酒熱而妄
行虛而作暈也以佛手散加乾葛二錢一劑而痊酒
性慄悍入月及產後不宜飲恐致前證產室人衆喧
嚷氣熱亦致此證 丹溪治一婦面白形長心鬱半

夜生產侵晨暈厥急灸氣海十五壯而甦後以參朮等藥服兩月而安此陽虛也 奉化陸巖治新昌徐氏婦病產後暴死但胸膈微熱陸診之曰此血悶也用紅花數十斤以大鍋煮之候陽沸以木桶盛之將病者寢其上熏之湯氣微復加之有頃婦人指動半日遂甦此與許允宗治王太后之意同

表
清魂散

澤蘭葉

人參

各貳錢半

川芎

半兩

荆芥

壹兩

一方有甘草

貳錢

右爲末用溫酒熱湯各半盞調壹錢急灌之下咽

眼卽開氣定卽醒

保命荆芥散 治產後風虛血暈精神昏昧

荆芥 壹兩
叁錢

桃仁 炒伍錢

右細末熟水下叁錢微喘加杏仁 炒 甘草各叁錢

衍義治產後血暈用荆芥穗爲末童便調下貳叁錢

極妙 產後血暈身癢直戴眼口角與目外眇向

上牽急不知人取雞子壹枚去殼取清以荆芥末

貳錢調服遂仍依次調治若無他疾則不須治甚

爲敏捷

右荆芥例氣虛人不可服

裏

來甦散 治臨產用力太過氣血暈悶不省人事

木香

不見火

神麴

炒

陳皮

去白

白芍藥

阿膠

蛤粉炒

麥蘖

炒

黃芪

去蘆

生薑

炒黑各壹錢

糯米

壹撮

苧根

洗淨壹錢半

甘草

炙半錢

愈

右作一服水貳鍾煎至壹鍾幹開口灌下連進爲

芎歸湯 治產後去血過多血暈不省

川芎

當歸

各等分

右作一服水貳鍾煎至壹鍾食前服腹中刺痛加

下血多而
暈者
且補血

白芍藥口乾煩渴加烏梅麥門冬發寒熱加白芍藥水停心下加茯苓生薑虛煩不得眠加人參竹葉

芍歸加芍藥湯治產後去血過多而暈方見產後血不止

保命集治產後血暈危困

生地黄汁壹大盞當歸

赤芍藥各貳錢半剉

右水煎參五沸溫服如覺煩熱去當歸入童子小便半盞服之

廣濟治產後血暈心悶不識人神言鬼語氣急欲絕

芍藥

甘草各壹兩

丹參柒錢半並為咬咀

生地黄汁

壹升

生薑汁

白蜜

各三合

右水貳升先煎前藥取捌合下二汁及蜜和勻分兩服

梅師治產後餘血攻心或下血不止心悶面青身冷氣欲絕新羊血壹盞飲之妙日三服

產後忽冒悶汗出不識人者暴虛故也破雞子叁枚吞之便醒若未醒可與童便壹升甚驗 若產後去

血多者又增此疾與雞子不醒者可急作竹瀝汁一服伍合須臾不定再與五合頻與叁五服瘥

又方 松烟墨貳錢燒通紅窻滅爲末溫酒或醋湯

下血少而暈者宜破血行

調服半匕

丹婦人產後血暈此乃虛火載血漸漸暈將上來用

鹿角燒灰出火毒研極細用好酒童便調灌下一呷

卽醒此物行血極効

獨行散 治產後血暈昏迷不省衝心悶絕

五靈脂

貳兩半生半炒

右爲細末每服貳錢溫酒調下口噤者拗開口灌之入喉卽愈一方加荊芥爲末童便調服如血崩不止加當歸酒童便煎不拘時服

治下胎或產後血上衝心已死用鬱金燒存性爲末

貳錢 醞醋壹合 調灌之立活

產後血暈心悶氣絕紅花

壹兩

搗為末分作二服酒貳

鍾煎取壹鍾併服如口噤幹開灌之効 一方用

紅花叁兩新者無灰酒童便各半升煮取壹盞服

肘後治血暈

蘇木

參兩 細剉

水五升煮取貳升分再服

瘥無蘇木取緋衣煮汁飲之亦得

聖惠治產後血暈不知人及狂語麒麟竭

壹兩 細研為末 非

時以溫酒調下貳錢七

奪命散 治產後血暈血入心經語言顛倒健忘失

志及產後百病

沒藥

血竭 各等分

右研細爲末纔產下便用童便細酒各半盞煎一兩沸調下貳錢良久再服其惡血自循下行更不衝上免生百疾專治婦人方只用白湯調 五羊洪運使子舍孺人產後語言顛倒譫語不已如有神靈服諸藥無効召陳診之六脉和平陳以此藥兩服愈

紅花散

保命

治產後血昏血暈血崩及月事不勻遠

年乾血氣

乾荷葉

牡丹皮

川當歸

紅花

蒲黃

炒各等分

右細末每半兩酒煎和查溫服如胎衣不下榆白

皮湯調半兩

右破血輕劑

牡丹散

三因

治產後血暈悶絕口噤則斡開口灌之

牡丹皮

大黃

煨

芫硝

各壹兩

冬瓜子

半合

桃仁

叁拾粒去皮尖

右剉每服伍錢水叁鍾煎壹鍾半去滓入硝又煎

分二服

產書治產後心煩手脚煩熱氣力欲盡血暈連心頭

硬及寒熱不禁接骨木破之如算子壹握以水壹升煎取半升分溫二服或小便數惡血不止服之卽瘥此木煎三遍其力一般此是起死之方

右重劑血點滴不出者宜用

花蘂石散 治產後氣欲絕惡血奔心欲死者但以

童便調壹錢服之取下惡物爲妙

胞衣不下

黑神散治產後血暈用細酒調服佳

產後通用方

右方寒多者用之

治產後血暈心悶亂恍惚如見鬼

生益母草汁

參合如無根亦可

生地黃汁

貳合

童便 壹合

雞子清 叁枚

右以前三味煎三四沸後入雞子清攪停作一服

治產後血暈狂語不識人狂亂

童便 貳合

生地黃汁 壹合
赤馬通 柒枚

紅雪 捌分

右以上二味浸赤馬通絞去滓下紅雪溫為兩服

右方熱多者用之

盧膏

仲景云產婦鬱冒其脉微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜

汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之病解能食七八日更發熱者此爲胃實大承氣湯主之今按鬱冒卽暈也觀此則產後血暈有汗下和解三法當分表裏虛實精而別之

羅方

張氏方治產後血暈全不省人事極危殆者

右切菹菜入有嘴磁瓶內煎熱醋沃之便密紮瓶口以瓶嘴向產婦鼻孔令醋氣透入須先扶病人起坐惡血衝心故有此證菹能去心之滯血加以醋氣運達之用無不効又方半夏洗不以多少

為末丸如大豆內鼻中即甦亦療五絕

治胎後血上衝心生薑五片切以水捌升煮取叁升

分三服

崔氏療產乳暈絕方以洗兒水飲叁合良 或惡血

服少許良

醋墨產後通用方

針灸摘產後血暈不省人事 三里 支溝 三陰

交心術無此穴

標幽又法 陰交 陽別

世又法 神門 內關不應取後穴 關元灸

厥逆產後手足厥逆肩井主之 一婦人產後日食
茶粥二十餘碗至一月後遍身冰冷數塊人以指按
其冷處卽冷從指下上應至心如是者二年諸治不
効以八物湯去地黃加橘紅入薑汁竹瀝一酒鍾十
服乃溫

五和

卷五

三

不終堂

血不下

〔大夫〕惡露不下者由產後臟腑勞傷氣血虛損或胞絡挾於宿冷或產後當風取涼風冷乘虛而搏於血血則壅滯不宜積蓄在內故令惡露不下也〔薛前

症若惡露不下用失笑散

見後心痛

若氣滯血凝用花藥

石散

胞衣不下

一產婦患前證服峻厲之劑惡露隨下

久而昏憤以手護其腹余曰此脾氣復傷作痛故用手護也以人參理中湯加肉桂二劑補之而愈

大全療產後三四日惡露不下

芍藥

拾分

知母

捌分

生薑

當歸

蒲黃

各肆分

紅花

貳分

荷葉中心蒂

柒枚

生地黃汁

貳合

右細切以水貳升煎至柒合去滓服

荷葉散 療產後惡露不下腹中疼痛心神煩悶

乾荷葉

貳兩

鬼箭羽

桃仁

劉寄奴

蒲黃

各壹兩

右為粗末每服叁錢以童便壹大盞薑貳片生地

黃壹分搥碎同煎至陸分去滓無時熱服

廣濟療產後惡露不多下方

川牛膝

大黃

各貳兩

牡丹皮

當歸 各壹兩半

芍藥

蒲黃

桂心 各壹兩

右為末以生地黄汁調酒服方寸七日二服血下

愈

沒藥丸 治產後惡露方行而忽然斷絕驟作寒熱

臍腹百脉皆痛如錐刺非常此由冷熱不調或思

慮動作氣所擁遏血畜經絡

當歸 壹兩

桂心

芍藥 各半兩

桃仁 去皮尖

沒藥 研各貳錢半

蟲虫 去足翅

水蛭 炒焦各叁拾枚

女科

卷五

產後血不下

三

五經

女科 卷五 三 石經堂

右為末醋糊丸如豌豆大醋湯下叁丸

千金備急丹

見胞衣不下

保命治婦人惡血不下

當歸炒

芫花炒等分

右為細末每服叁錢酒下 又方用好墨醋焯末

以童便酒下妙

梅師治產後血不下蒲黃叁兩水叁升煮取壹升頓

服

本事方治產後血不下益母草搗絞汁每服壹小鍾

入酒壹合攪勻溫服

千金治產後血不去麻子伍升酒壹升浸一宿明早
去查溫服壹升不瘥再服壹升不吐不下不得與
男子通一月將養如初瘥

黑龍丸

見通用方內

生料五積散

治產後惡露不快腹中疼痛或腹內

有塊及發寒熱並加醋少許煎通口服亦能療血

崩

女和

卷五

五

在綱室

血不止

〔大〕夫產後惡露不絕者由產後傷於經血虛損不足或分解之時惡血不盡在於腹中而臟腑挾於宿冷致氣血不調故令惡露淋瀝不絕也

〔薛〕前證若肝

氣熱而不能主血用六味地黃丸若肝氣虛不能藏血用逍遙散若脾氣虛而不能攝血用六君子湯胃氣下陷而不能統血用補中益氣湯若脾經鬱熱而血不歸源用加味歸脾湯若肝經怒火而血妄行用加味四物湯若氣血俱虛用十全大補湯若肝經風邪而血沸騰用一味防風丸 一產婦惡露淋漓體

倦面黃食少惡寒晝夜不寐驚悸汗出此脾經虛熱
用加味歸脾湯而痊後因怒脇脹作嘔少食用六君
加柴胡治之而痊

虛

芎歸加芍藥湯 治產後血崩眩暈不知人事

川芎

當歸

芍藥各等分

右以咀每服肆錢以水壹鍾半煎至柒分去滓無
時熱服

雲岐治產後血崩如豆汁紫黑過多者四物湯加蒲

黃生地黃汁阿膠蘄根艾白芷煎服

療產後七八日惡露不止

敗醬草

當歸 各陸分

芍藥

續斷 各捌分

川芎

竹茹 各肆分

生地黄 炒乾拾貳分

右細剉以水貳升煮取捌合空心頓服

虛中有寒

丹二七孺人產後冒寒哭多血再下身腫脉沉

當歸

白朮

陳皮

川芎

乾薑

黃芩 各貳錢

芍藥 壹錢

炙甘草 少許

右分二貼水煎服

虛中有滯

王孺人因憂慮墮胎後兩月餘血不止腹痛此體虛

氣滯惡物行不盡

陳皮 壹錢

白朮 貳錢

芍藥 壹錢

木通

川芎 伍分

甘草 貳分

作湯下五芝丸陸拾粒食前服

熱者清之

獨聖湯 療產後亡血過多心腹徹痛然後血下久

而不止亦治赤白帶下年深諸藥不能療者良驗

貫衆

狀如刺蝟者壹个全用只揉去毛花蔓用之不剉斷

右用好醋蘸濕慢火炙令香熟候冷為細末用米

飲調下貳錢空心食前服

陷下者舉之

千金治產後惡血不盡或經月或半歲者升麻叁兩

泄者
澁之

清酒五升煮取貳升半分溫再服

牡蠣散 治產後惡露淋瀝不絕心悶短氣四肢乏

弱頭目昏重煩熱不思飲食面黃體瘦

牡蠣煨

川芎

熟地黃

白茯苓

龍骨各壹兩

續斷

當歸

艾葉酒炒

人參

五味子

地榆各半兩

甘草貳錢半

右為末每服貳錢水壹中盞生薑叁片棗壹枚煎至陸分去滓食前服

汚血

產書產後猶有餘血水氣者宜服豆淋酒黑豆伍升

熬令烟盡於磁器內以酒壹斗焯之蓋豆淋酒治
汚血又能發表也

治產後惡血不絕崩血不可禁腹中絞痛氣息急治

蓐中三十六疾

廣濟方

亂髮

燒壹兩

阿膠

貳兩

代赭石

乾薑

各叁兩

馬蹄殼

壹枚燒

乾地黃

肆兩

牛角鯁

伍兩
酥炙

右為細末煉蜜丸如梧桐子大每服叁肆拾九空

心米飲下日二服

返魂丹

見前胎
產大法

文仲葛氏治惡露不絕方 以鋸截桑木取屑五指

撮酒服之

又方 炙桑白皮煮水飲之

祕錄治胎落下血不止以桑木中蠹蟲燒末酒服方寸七日二服

療產後泄血不止無禁度及治腹痛胸膈悶以薑黃

爲末酒服方寸七日三四服

胡氏云薑黃治惡露不止

療產後血不止虛羸迫死亦治血氣蒲黃貳兩水貳升煎八合頓服

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

心痛

大全產後心痛爲陰血虧損隨火上衝心絡名曰心胞絡痛宜大岩蜜湯治之若寒傷心經名曰真心痛朝發夕死夕發朝死無藥可救

薛前證若陽氣虛寒用岩蜜湯溫之瘀血上衝用失笑散散之血既散而痛仍作用八珍湯補之大凡心腹作痛以手按之却不痛此血虛也須用補養之劑

一產婦患前證昏憤口禁冷汗不止手足厥逆用六君子加附子壹錢以廻其陽二劑頓甦又以十全大補湯養其血氣而安

一產婦患前證手不敢近腹用失笑散一服

下瘀血而愈次日復痛亦用前藥而安 一產婦患

前證用大黃等藥其血雖下復患頭痛發熱惡寒次

日昏憤自以兩手堅護其腹不得診脉視其面色青

白余謂脾氣虛寒而痛也用六君子湯加薑桂而痛

止又用八珍湯加薑桂調理而安

七氣手拈散 治產後心氣攻痛

元胡索

小懷香

白芍藥

乾漆炒

枳殼各貳錢

黃連

石菖蒲

香附子

蘇葉各壹錢半

沒藥

乳香各壹錢

甘草陸分

右剉散分作二服每服用水壹盞半薑叁片煎至柒分空心服

大岩蜜湯

生乾地黃

當歸

獨活

吳茱萸

芍藥

乾薑

甘草

桂心

小草

各壹兩

細辛

半兩

右爲散每服半兩水叁盞煎至壹盞去滓稍熱服
評曰產後心痛雖非產蓐常疾痛或有九痛未必
便是血痛設是岩蜜湯豈可用熟地黃熟地黃泥

血安能去痛此方本出千金用生乾地黃耳茱萸
 一升合準五兩乾薑三兩細辛治停寒在下焦方
 本一兩却減半兩制奇制耦量病淺深自有品數
 不可妄意加減然以岩蜜湯治血痛不若失笑散
 更捷

失笑散 治心腹痛欲死百藥不効服此頓愈此方與紫

金九大
同小異

五靈脂

蒲黃 各等分

右爲末先用醎醋調貳錢熬膏入水壹盞煎至柒
 分食前熱服良驗

經心錄蜀椒湯 療產後心痛此大寒所爲

蜀椒 貳合

芍藥 叁兩

半夏

當歸

桂心

人參

甘草

茯苓

各貳兩

生薑汁

伍合

蜜 壹升

右切以水玖升煮椒令沸下諸藥煮取叁升半去滓下薑汁及蜜更煎取叁升服伍合至陸合

火龍散亦治產後心痛 方見胎前心痛

治產後血不盡心腹痛荷葉熬令香爲末水煎下方

寸匕

聖惠治產後惡血衝心痛氣悶欲絕用桂心叁兩搗

羅爲散狗膽汁和丸如櫻桃大不拘時候熱酒磨

下貳丸

元胡索散

手拈散

俱心痛
腹痛

腹痛

薛產後小腹作痛俗名兒枕塊用失笑散行散之若惡露既去而仍痛用四神散調補之若不應用八珍湯若痛而惡心或欲作嘔用六君子湯若痛而泄瀉用六君子湯送四神丸若泄瀉痛而或後重用補中益氣湯送四神丸若胸膈飽脹或惡食吞酸或腹痛手不可按此是飲食所致當用二陳加山查白朮以消導若食既消而仍痛或按之不痛或更加頭痛煩熱作渴惡寒欲嘔等證此是中氣被傷宜補脾胃爲主若發熱腹痛按之痛甚不惡食不吞酸此是瘀血

停滯用失笑散以消之若止是發熱頭痛或兼腹痛
按之却不痛此是血虛用四物加炮薑參朮以補之
病機要云胎產之病從厥陰經論之無犯胃氣及上
中二焦爲之三禁不可汗不可下不可利小便發汗
者同傷寒下早之證利大便則脈數而已動於脾利
小便則內亾津液胃中枯燥製藥之法能不犯三禁
則榮衛自和而寒熱止矣如發渴用白虎氣弱用黃
芪血刺痛則用當歸腹中痛則加芍藥宜詳察脈證
而用之丹溪先生云產後當大補氣血爲先雖有雜
證從末治之一切病多是血虛皆不可發表一產

婦腹痛發熱氣口脉大余以爲飲食停滯不信乃破
血補虛反寒熱頭痛嘔吐涎沫又用降火化痰理氣
四肢逆冷泄瀉下墜始悔問余曰何也余曰此脾胃
虛之變症也法當溫補遂用六君加炮薑貳錢肉桂
木香各壹錢四劑諸證悉退再用補中益氣之劑元
氣悉復 一婦人產後腹痛後重去痢無度形體倦
怠飲食不甘懷抱久鬱患繭唇寐而盜汗如雨竟夜
不敢寐神思消爍余曰氣血虛而有熱用當歸六黃
湯內黃芩連檠炒黑一劑汗頓止再劑全止乃用歸
脾湯八珍散兼服元氣漸復而愈 一產婦小腹作

痛服行氣破血之藥不効其脉洪數此瘀血內潰爲膿也以瓜子仁湯二劑痛止更以太乙膏下膿而愈產後多有此病縱非癰用之更効 一產婦小腹痛小便不利用薏苡仁湯二劑痛止更以四物加紅花桃仁下瘀血而愈大抵此證皆因榮衛不調或瘀血停滯所致若脉洪數已有膿脉但數微有膿脉遲緊乃瘀血下之卽愈若腹脹大轉側作水聲或膿從臍出或從大便出宜用蠟礬丸太乙膏及托裏藥 一產婦小腹作痛有塊脉芤而濇以四物加元胡紅花桃仁牛膝木香治之而愈 一婦產後小腹患痛服

瓜子仁湯下瘀血而痊凡瘀血停滯宜急治之緩則腐化爲膿最難治療若流注關節則患骨疽失治多爲敗證 一婦人寒月中產後腹大痛覺有塊百方不治一人教以羊肉肆兩熟地黃貳兩生薑壹兩水煎服之二三次愈

兒枕

大兒枕者由母胎中宿有血塊因產時其血破散與兒俱下則無患也若產婦臟腑風冷使血凝滯在於小腹不能流通則令結聚疼痛名之曰兒枕也

敗血
挾寒

延胡索散 治產後兒枕腹痛

延胡索

當歸

各壹兩

真琥珀

產後復痛

蒲黃

炒各貳錢半

赤芍藥

半兩

桂心

半兩

紅藍花

貳錢

右爲細末以童便合酒溫溫調叁錢食前服

療新產後七八日腹痛兩脇痛

當歸

劉寄奴

苦梗

各拾貳分

延胡索

別爲末

桂心

陳皮

各肆分

茯苓

芍藥

各捌分

右咬咀以水貳升煮取捌合調延胡索末空心服

療先患冷氣因產後發腹痛

川芎

桂心

當歸

吳茱萸

茯苓

芍藥

甘草

各陸分

桃仁

拾分

右咬咀以水柒升煮取貳升去滓分叁服

丹產後三日血塊痛發熱

五靈脂

畧炒

牡丹皮

沒藥

滑石

右研細分五貼豆淋酒調下之食前

馮宅產後發熱腹中痛有塊自汗惡寒曾服黑神散

白朮

芍藥

叁錢

滑石

伍錢

黃芩

牡丹皮

各貳錢半

人參

川芎

當歸尾

陳皮

荆芥

乾薑 各壹錢

甘草 少許

治血痕痛無定處

童便 叁升

生地黃汁

生藕汁 各壹升

生薑汁 貳升

右先煎三味約三分減二次下薑汁慢火煎如稀
餈每取壹合溫酒調下

挾虛黑神散 療產後血塊痛經脉行後腹疼并經脉不

調

熟地黃 壹斤

陳生薑 半斤

右二味同和炒乾爲末每服貳錢用烏梅調下常

氣滯
行之

汗血
清之

重劑

服酒調經脉不通烏梅荆芥酒調下

一方用山查濃煎汁入沙糖少許再煎熱服

治兒枕痛乃血痕也用真蒲黃研細調酒服貳錢如

躁渴者新汲水調下 又方隔年蟹殼燒灰酒調下

治產後兒枕大痛黑白散

烏金石

醋服柒次另研

寒水石

煨存性為末

右各收之痛時各鈔壹錢半米飲調下痛止勿服

未止再服

輕劑

海藏云四物加元胡索沒藥白芷湯治產後敗血作

痛

通治婦人諸疾

四物苦楝湯

雜病腹痛

一方治臍下痛不可忍四物湯

加元胡索貳錢半服之

紫金丸治產後臍下痛卽失笑散醋爲丸是也 立

効散治產枕痛不可忍用五靈脂慢火炒乾爲末溫

酒下貳錢立瘥

惡露不盡金匱產後七八日無太陽證少腹堅痛此

惡露不盡不大便煩躁發熱切脉微實再倍發熱日

晡時煩躁者不食食則讖語至夜卽愈宜大承氣湯

主之熱在裏結在胸臍也 〔大全〕產後惡血雖常通

行或因外感五邪內傷七氣致令斬然而止餘血壅

滯所下不盡故令腹痛當審其因而治之 一產婦
小腹痛甚牙關緊急此瘀血內停灌以失笑散下血
而甦又用四物加炮薑白朮陳皮而愈 一婦人經
水來比常度過多不止遂用瀉藥止之致腹作痛此
乃氣血凝滯也用失笑散二服而愈

地黃散 治產後惡血不盡腹中疼痛

生地黃 炒

當歸 各貳錢

生薑 半兩切如
芡實大新

瓦上焙
冷焦黑

右爲細末每服貳錢空心薑酒調下

當歸血竭丸 治婦人產後惡露不下結聚成塊心

胸痞悶及臍下堅痛

當歸

血竭

芍藥

蓬朮

炮各貳兩

五靈脂

肆兩

右爲細末醋糊和丸如梧桐子大每服五拾丸食

前溫酒送下

溫隱居澤蘭湯

治產後惡露不盡腹痛往來兼胸

滿少氣

澤蘭

熬

生乾地黄

當歸

各柒錢半

芍藥

生薑

細切蠅頭大新瓦上炒焦各貳兩半

甘草

壹兩半

大棗

拾肆枚

細切水玖升煮叁升分三服欲死塗身得瘥

卷荷散 治產後血上衝心血刺血暈血氣腹痛惡

露不快

卷荷

初出水者

紅花

當歸

各壹兩

蒲黃

隔紙炒

牡丹皮

各半兩

右為細末每服貳錢空心鹽酒調下一臘內童子

小便調

又方產後下血不盡腹內堅痛不可忍

當歸

芍藥

桂心

各叁兩

桃仁

壹百貳拾粒製

右水陸升煮貳升溫分兩服未瘥加大黃
又方產後血結下不盡腹中絞痛不止

大黃 別浸

生乾地黃

當歸 各拾分

川芎

桂心

芍藥 各捌分

甘草

黃芩 各陸分

桃仁 肆拾玖粒製

細切水柒升煮貳升半入大黃煎三沸分溫三服
又產後血下不盡腹中痛無計

青木香

當歸

牛膝

川芎

黃芪

芍藥 各捌分

大黃 拾叁分浸

芒硝 拾貳分

細切水柴升煮貳升半入大黃更三沸分三服

又產後惡露不盡結聚小腹疼痛

當歸 柒錢半

製香附子 壹兩

琥珀

沒藥

青皮

赤芍藥

木香

桂心 各半兩

右爲細末以烏豆淋酒調貳錢

產寶治產後餘血作疼兼塊者

桂心

薑黃

各等分爲細末

酒調方寸匕血下盡妙

產乳方芸薹散

產後惡露不盡血結刺痛名血母

塊兼治心腹諸疾

芸薹子

隔紙炒

當歸

桂心

赤芍藥

各等分

細末酒調貳錢產後可常服

黑神散治產後惡露不盡心胸痞悶臍腹撮痛污血

諸疾

產後通用方

丹治產後惡露未盡小腹作痛

五靈脂

末

香附末

右合和醋爲丸甚者加留尖桃仁

壹方加蛤粉

救急療惡露不盡腹脹痛 取亂髮如雞子大灰水

洗垢淨燒存性末之酒調服貳錢

又療產後血不盡心腹痛悶方 取荷葉燒灰存性

熱湯和服煮取汁飲之亦良

又方

以鐵秤錘壹枚燒赤投酒中

酒準伍升

用此酒煮

當歸叁兩取貳升去滓分溫再服千金同一方無

當歸

大全以惡露不盡腹痛及兒枕心腹刺痛小腹疼痛
寒疝分爲四門由母胎中宿有血塊產後不與兒俱
下而仍在腹作痛謂之兒枕其惡露下不快而作痛
者胎中原無積聚不爲兒枕也若惡露已盡或由宅
故腹痛如仲景枳實芍藥散證或由血虛腹痛如仲
景當歸生薑羊肉湯證自當別論故復臚列諸名方

於後若服枳實芍藥散不愈仍當求責瘀血也故下
瘀血湯諸方附焉而補虛諸方終之不復立寒疝條
金匱云產後腹痛煩滿不得卧枳實芍藥散主之
枳實芍藥散方

枳實

燒令黑
勿太過

芍藥

各等分

右二味杵爲散服方寸匕日三服并主癰膿以麥
粥下之

薛前證若因氣滯用延胡索散若因外寒用五積
散若因怒氣用四物加木香柴胡若因血虛用四
物參朮炮薑若因陽氣虛弱用四君當歸炮薑若

因脾虛血弱用六君當歸炮薑治之 一產婦患

前證或作嘔或昏憤此脾氣虛寒用人參理中湯

漸愈又以補中益氣湯加茯苓半夏全愈後復作

痛而兼喘仍用補中益氣湯培補脾肺而瘥

師曰產婦腹痛法當以枳實芍藥散假令不愈者此

爲腹中有乾血着臍下宜下瘀血湯主之

峻劑 下瘀血湯方

大黃 貳兩

桃仁 貳拾枚

蟭蟲 貳拾枚 熬去足

右三味末之煉蜜和爲肆九以酒壹升煎壹九取

捌合頓服之新血下如豚肝

保命方治血暈血結或聚於胸中或偏於小腹或連

於脇肋四物湯四兩倍當歸川芎加鬼箭羽紅花

元胡各壹兩同為粗末加下四味煎調沒藥散服

蟲虫

壹錢去翅足炒

水蛭

壹錢炒

麝香

少許

沒藥

右為末入前藥調服血下痛止只服一服

千金桃仁芍藥湯 治產後腹痛

桃仁

半升

芍藥

川芎

當歸

桂心

乾漆

碎熬

甘草

各貳兩

細切水捌升煮貳升半分三服

緩劑

延胡索散

治產後臍下痛

延胡索

桂心

各半兩

當歸

壹兩

右為細末熱酒調下貳錢

香桂散

治產後臍下疼痛不止

川芎

當歸

各貳錢半

桂心

半兩

右為細末分為三服每服酒壹錢煎三五沸更入童便少許煎至柒分溫服甚者不過再服即瘥

又方

釜底墨

醋炒令乾

延胡索

劉寄奴

桂心

菴闍子

右等分爲末熱酒調下貳錢

紫金丸 治產後惡露不快腰痛小腹如刺時作寒

熱頭痛不思飲食亦治久有瘀血月水不調黃瘦

不思飲食並能治之亦可療心痛

與失笑散同

五靈脂

水淘去砂石焙乾秤炒爲末

真蒲黃

右以好米醋調五靈脂慢火熬成膏次以蒲黃末
搜和丸如櫻桃大每服壹丸水與童便各半盞煎
至柒分令藥化溫服之少頃再一服惡露卽下久
有瘀血成塊月信不利者並用酒磨下

當歸養血丸

治產後惡血不散發渴心腹疼痛及

惡露不快臍下急痛連及腰脚疼痛

當歸

赤芍藥

牡丹皮

延胡索

各貳兩桂心

壹兩

爲末煉蜜丸梧子大空心酒下叁肆拾丸痛甚者細嚼下

溫補

金匱產後腹中疝痛當歸生薑羊肉湯主之并治腹中寒疝虛勞不足

當歸生薑羊肉湯

當歸

叁兩

生薑

伍兩

羊肉

壹斤

右三味以水捌升煮取叁升溫服柒合日三服若

寒多者加生薑成壹斤痛多而嘔者加橘皮 白
朮 加生薑者亦加水伍升煮取叁升貳合服之
衍一婦人產當寒月寒氣入產門臍下脹滿手不得
犯此寒疝也醫將治之以抵當湯謂其有瘀血也子
教之曰非其治也可服張仲景羊肉湯少減作二服
遂愈

產後六七日忽然臍腹痛皆由呼吸之間冷氣乘虛
而入宜服當歸建中湯四順理中丸其研再丸作小
丸飯飲吞下極妙

仲景內補當歸建中湯治婦人產後虛羸不足腹中

刺痛不止吸吸少氣或苦少腹中急痛引腰背不能飲食產後一月日得服四五劑爲善令人強壯

當歸

肆兩

桂枝

叁兩

芍藥

陸兩

生薑

叁兩

甘草

貳兩

大棗

拾貳枚

右六味以水壹斗煮取叁升分溫三服一日令盡若大虛加飴糖陸兩湯成內於火上煖令飴消若去血過多崩傷內衄不止加地黃陸兩阿膠貳兩合八味湯成內阿膠服之

濟生增損四物湯 治產後陰陽不和乍寒乍熱惡

露停滯亦令寒熱但看小腹急痛爲異

當歸 酒浸

白芍藥

川芎

人參 各壹兩

甘草 炙半兩

乾薑 壹兩

右咬咀每服肆錢薑叁片水煎無時熱服

千金治產後餘疾腹中絞痛瘦乏不下食

當歸

黃芪

芍藥 各陸分

乾地黃

白朮 各捌分

桂心

甘草 各肆分

大棗 拾肆枚

右咬咀水貳升煮取捌合空心服忌生葱

藥忌

丹溪云局方五積散治產後餘血作痛以蒼朮為君
麻黃為臣厚朴枳實為使雖有當歸芍藥之補血僅

及蒼朮三分之一不思產後之婦有何寒邪血氣未
充似難發汗借曰藥性溫和可以推陳致新豈可用
麻黃之悍附以蒼朮枳朴之散乎虛而又虛禍不旋
踵矣

附腸中痒治婦人產後腸中痒不可忍以針線袋安
所卧褥下勿令人知 又方取箭筈及鏃安所卧床
下勿令婦知

Blank column

Blank column

Blank column

脇脹痛

大產後兩脇脹滿氣痛由膀胱宿有停水因產後惡露下不盡水壅痞與氣相搏積在膀胱故令脇肋脹滿氣與水相激故令痛也薛前證若肝經血瘀用元胡索散若肝經氣滯用四君青皮柴胡若肝經血虛用四物參朮柴胡氣血俱虛用八珍柴胡若腎水不足不能生肝用六味丸若肺金勢盛尅制肝木用瀉白散仍參前各論主之一產婦因怒兩脇脹痛吐血甚多發熱惡寒胸腹脹痛余以爲氣血俱虛用八珍加柴胡丹皮炮薑而血頓止又用十全大補湯

而寒熱漸退此證苟非用薑桂辛溫助脾肺以行藥勢不惟無以施其功而反助其脹耳

經効療產後血氣脇助脹痛

當歸

壹拾貳分

芍藥

苦梗

檳榔

枳殼

各捌分

桂心

青木香

柴胡

各陸分

右咬咀以水貳升煎取捌合去滓空心分溫貳服

療產後惡露不下血氣壅痞脇脹痛不下食

蘇木

紫葛

各拾貳分

芍藥

當歸

各捌分

桂心

蒲黃

各陸分

生地黄汁 叁合

右咬咀以水貳升煎取柒合下蒲黃分兩服

當歸散 治產後腹痛脇肋脹滿

當歸

乾薑 等分

右為末每服叁錢水壹盞煎捌分入鹽醋少許食

前熱服 選奇方用酒煎

經効理血氣煩悶脇肋脹滿及痛

芍藥 捌分

蒲黃

延胡索 各肆分

當歸 陸分

荷葉蒂 炙叁枚

右水貳升煎取柒合後入蒲黃空心分作兩服

廣濟療產後腹痛氣脹脇下悶不下食兼微利

茯苓

人參

當歸

甘草

各陸分

生薑

陳皮

各肆分

厚朴

捌分

右咬咀以水貳升煎取捌合去滓分溫服

抵聖湯

治產後腹脇悶滿或嘔吐者

赤芍藥

半夏

澤蘭葉

陳皮

人參

甘草

等分

右咬咀每肆錢薑伍片煎溫服

腰痛

大腎主腰脚產後腰痛者爲女人腎位繫於胞產則勞傷腎氣損動胞絡虛未平復而風冷客之冷氣乘腰故令腰痛也若寒冷邪氣連滯背脊則痛久未已後忽有娠必致損動蓋胞絡屬腎腎主腰故也

薛

前證真氣虛邪乘之者用當歸黃芪湯或十全大補爲主佐以寄生湯如不應十全大補加附子一產婦腰痛腹脹善噫諸藥皆嘔余以爲脾虛血弱用白朮一味炒黃每劑一兩米泔煎時飲匙許四劑後漸安百餘劑而愈

療產後風冷腰痛不可轉側四肢沉重行步艱難

獨活

川芎

芍藥

炒黃

桂心

續斷

生薑

桑寄生

各陸分

當歸

防風

各捌分

右咬咀以水叁升煮取壹升去滓空心分二服

千金大豆酒 療產後中風腰背強痛中風煩熱苦

渴頭身皆重此因風冷及傷寒所致

用大豆

伍升炒

以酒壹升投之密蓋令溫去豆服

壹升日夜數服卧取微汗避風

亦有加羌活服者亦佳

生料五積散加桃仁煎亦

汚血

保命治血癖腹乃刺刺腰痛用四物湯細末叁兩加酒煮元胡索末貳兩每服叁錢酒下

廣濟療產後虛冷血氣流入腰腿痛不可轉

敗醬

當歸

各捌分

川芎

桂心

芍藥

各陸分

右以咀水貳升煮取捌合分溫二服忌葱

救急療婦人產後餘血不盡血流入腰脚疼痛胸滿氣急兩脇痛方

生薑

壹斤

淡竹葉

壹升切

右二味以水貳升煮取壹升去滓分溫貳服

生地黄湯

廣濟

療產後三日患腰疼腹中餘血未盡

并手脚疼不下食

生地黄汁

壹升

芍藥

甘草

各貳兩

丹參

肆兩

蜜

壹合

生薑汁

半合

右以水叁升煮取壹升去滓內地黃汁蜜薑汁微火煎一兩沸一服叁合日二夜三利一兩行中間進食與藥更進服

如神湯

方見腰痛

產後惡露方行忽然漸少斷絕不來腰中重痛下注兩股痛如錐刀刺痛入骨中此由血滯於經絡不即

通之有大痛處必作癰疽宜桃仁湯恐作癰者預服

五香連翹湯

桃仁湯方

桃仁去皮尖

蘇木

生地黄各半兩

蜚虫去足翅炒

水蛭炒各叁拾枚

右為粗末每服叁錢水壹盞煎至陸分去滓溫服

無時惡露下即住服

五香連翹湯方一方有大黃壹兩

木香

沉香

丁香

乳香

麝香

升麻

卷五 產後腰痛

婦科 經堂

獨活

桑寄生

連翹

木通

各貳兩共
為粗末

每服伍錢水貳盞煎壹盞去滓入竹瀝少許溫服
紫金丸治產後惡露不快腰痛小腹如刺寒熱腹痛
久有瘀血月水不調亦可治心痛方見前

虛

當歸黃耆湯

治產後腰痛不可轉側自汗壯熱身

體強氣短

黃耆

芍藥

各貳兩

當歸

叁兩

右剉每服肆錢薑肆片水煎溫服

頭痛

大夫人頭者諸陽之會也凡產後五臟皆虛胃氣虧弱飲食不充穀氣尙乏則令虛熱陽氣不守上湊于頭陽實陰虛則令頭痛也 又有產後敗血頭痛不可不知黑龍丹言之甚詳 薛前證若中氣虛用補

中益氣湯加蔓荊子苦血虛用四物加參朮血氣俱虛用八珍湯若因風寒所傷用補中益氣湯加川芎 一產婦患頭痛日用補中益氣湯不缺已三年矣稍勞則惡寒內熱爲陽氣虛以前湯加附子壹錢數劑不發 一婦人產後頭痛面青二年矣日服四物

等藥余謂腎水不能生肝木而血虛用六味九加五味子兩月而痊

行氣

川芎散 治產後頭痛

真天台烏藥皮

大川芎 等分

右爲細末每服叁錢燒紅秤錘淬酒調服

行血

奇散 治同前

取當歸川芎爲細末每服貳錢水壹盞煎柒分溫服

芎附散 治產後敗血作梗頭痛諸藥不効者

大附子壹枚醃醋壹碗用火四畔炙透蘸醋令盡

去皮臍加川芎壹兩並爲末每服壹錢

又作貳錢

茶清

調下

郭茂恂嫂金華君產七日不食始言頭痛頭痛已又心痛作旣而目睛痛如割如刺更作更止相去無瞬息間每頭痛甚欲取大石壓良久漸定心痛作則以十指抓壁血流滿掌痛定目復痛又以兩手自剗取之如是十日不已衆醫無計進黑龍丹半粒疾少間中夜再服下瞑目寢如平時至清晨下一行約三升許如蝗虫子三疾減半已刻又行如前則頓愈矣

黑龍丹

丹見前產後通用方

丹一婦年三十餘產後身熱頭痛肚痛

陳皮

白朮

白芍藥

各貳錢

黃芩

貳錢半

川芎

壹錢

乾薑

牡丹皮

甘艸

各壹錢半

荆芥

半錢

右分四貼水煎服

加減四物湯

保命

治產後頭痛血虛痰癖寒厥皆令

頭痛

蒼朮

壹兩陸錢

羌活

川芎

防風

香附

炒

白芷

各壹兩

石膏

貳兩半

細辛

壹兩半

當歸

甘草

兩各半

右粗末每用壹兩水煎不拘時服 如有汗者知

氣弱頭痛也方中加芍藥叁兩桂壹兩半生薑煎

如痰癖頭痛加半夏叁兩茯苓壹兩生薑煎

如熱痰頭痛加白芷叁兩石膏叁兩知母壹兩

如寒厥頭痛加天麻叁兩附子壹兩半生薑叁片

煎服

脚氣

大全產後熱悶氣上轉爲脚氣者何答曰產卧血虛生熱復因春夏取涼過多地之蒸濕因足履之所以着爲脚氣其狀熱悶掣癢驚悸心煩嘔吐氣上皆其候也可服小續命湯

方見雜病中風

兩三劑必愈若醫者誤

以逐敗血藥攻之則血去而疾益增矣 陳無擇評

曰脚氣固是常病未聞產後能轉爲者往往讀千金見產婦多有此疾之語便出是證文辭害意蓋可見矣設是熱悶氣上如何便服續命湯此藥本主少陽經中風非均治諸經脚氣要須依脚氣方論陰陽經

絡調之此涉專門未易輕論既非產後要病更不繁

引 陳無擇雖有此論然小續命湯加減與之用無

不効故百問云寒中三陽所患必冷小續命湯主之

加生薑暑中三陰所患必熱小續命湯去附子減大

煩躁者紫雪最良子取百問中加減法如無紫雪用

真薄荷煎冷水嚼下庶使後人均得治療薛前證當

補氣血為主佐以小續命湯寄生湯如不應大防

風湯 一產婦患前證或用獨活寄生湯而痊後復

作服前湯其汗如水更加口噤吐痰余用十全大補

湯培養血氣漸愈後飲食日少肌體日瘦吐痰如湧

此命門火衰脾土虛寒用八味丸及加味歸脾湯諸
證漸退肌肉漸生

獨活寄生湯 治肝腎虛弱或久履濕冷之地或洗
足當風濕毒內攻兩脛緩縱攣痛痺弱或皮肉紫
破足膝攣重又專治產後脚氣

川獨活

參兩

桑寄生

如無以續斷代杜仲炒

牛膝

去蘆酒浸

細辛

官桂

不見火

白茯苓

防風

川芎

當歸

人參

熟地黃

酒洗

芍藥

秦艽

各貳兩

甘草

炙壹兩

右爲咬咀每服肆錢薑伍片水煎溫服

遍身疼痛

大產後遍身疼痛者何答曰產後百節開張血脉流散遇氣弱則經絡肉分之間血多留滯累日不散則骨節不利筋脉急引故腰背不得轉側手足不能動搖身熱頭痛也若醫以爲傷寒治之則汗出而筋脉動惕手足厥冷變生他病但服趁痛散除之

薛前

證若以手按而痛甚是血滯也用四物炮薑紅花桃仁澤蘭補而散之若按而痛稍緩此是血虛也用四物炮薑人參白朮補而養之 一產婦身腹作痛發熱不食煩躁不寐盜汗脇痛服解散祛血之藥不時

昏憤六脉洪大如無用補中益氣加炮薑半夏一劑
頓退二三又劑寢食甘美但背強而痛用八珍散大
補湯調理而安 一產婦遍身頭項作痛惡寒拘急
脉浮緊此風寒之證也用五積散一劑汗出而愈但
倦怠發熱此邪氣去而真氣虛也用八珍湯調補而
痊 一婦六月產後多汗人倦不敢袒被故汗出被
裏冷則浸漬得風濕疼痛遂以羌活續斷湯數服而
愈

趁痛散

雲岐

治產後氣弱血滯遍身疼痛及身熱頭

疼

牛膝

當歸

桂心

白朮

黃芪

獨活

生薑

各半兩

甘草

薤白

各貳錢半

右咬咀每服半兩水叁盞煎至壹盞半去查食前服 陳無擇評曰趁痛散不特治產後氣弱血滯兼能治太陽經感風頭疼腰背痛自汗發熱若其感寒傷食憂恐驚怒皆致身疼發熱頭痛况有蓐勞諸證尤甚趁痛散皆不能療不若五積散入醋煎用却不妨

五積散加酒煎治感寒頭痛身疼方見傷寒門恐與

四物各半服之穩當加桃仁煎治腰痛逐敗血去

風濕

大治產後遍身青腫疼痛及眾疾

牛膝

大麥蘖

各等分

右爲細末以新瓦罐子中填一重麥蘖一重牛膝
如此填滿用鹽泥固濟火煨過赤放冷研爲散但
是產後諸疾熱酒調貳錢下

活血丹

蒼朮四物各半湯

並見雜病身痛

烏金散治產後骨節四肢疼痛

見後狂言譫語

中風

大夫產後中風者由產時傷動血氣勞損藏府未曾平復起早勞動致使氣虛而風邪乘虛入之故中風風邪冷氣客於皮膚經絡但疼痺羸乏不任少氣大凡筋脉挾寒則攣急喎僻挾溫則縱緩虛弱若入諸藏恍惚驚悸隨其所傷府藏經絡而生病焉 郭稽中論曰產後中風者何答曰產後五七日內強力下床或一月之內傷於房室或懷憂怒擾盪沖和或因食生硬傷動藏府得病之初眼澁口噤肌肉瞶搐漸至腰脊筋急強直者不可治此乃人作非偶爾中風

所得也 〔註〕前證果外邪所屬形氣不足病氣有餘當補元氣爲主稍佐以治病之藥若強力不休月內入房屬形氣俱不足當純補元氣多有復甦者若誤投風藥乃促其危也

丹產後中風口眼喎斜必用大補氣血然後治痰當以左右手脉分其氣血多少以治切不可作中風治用小續命湯及發表治風之藥

防風湯 治產後中風背項強急胸滿短氣

防風

獨活

各去蘆

葛根

各伍兩

當歸

人參

各去蘆

白芍藥

甘草

炙各
貳兩

右為咬咀每服捌錢水壹盞半棗子貳枚擘破同煎至壹盞去滓溫服不拘時

川芎散 治產後中風身背拘急有如繩束

川芎

羌活

去蘆

酸棗仁

羚羊角屑

芍藥

各肆兩

桑白皮

壹兩半

防風

去蘆壹兩貳錢

為咬咀每服壹兩水貳大盞煎至壹盞半去滓不拘時服日進三服

經効茯苓湯 治產後風虛頭痛語言謇澁

茯苓 去皮

防風 去蘆

乾葛 各捌錢

麥門冬 去心 壹兩

芍藥

黃芩 各陸錢

犀角屑 肆錢

甘草 炙貳兩

右咬咀每服壹兩水壹大盞半煎至壹盞去滓溫

服不拘時

鹿肉湯 治產後中風頭痛壯熱言語謇澀

鹿肉 叁斤

阿膠 炒脹

黃芩

茯神 去木

黃芪 蜜炙

甘草 炙

白芍藥

人參

獨活 各去蘆 各叁兩

桂心

乾地黄

川芎 各貳兩

半夏 湯洗壹兩

右爲咬咀每服伍錢水肆盞鹿肉伍錢薑伍片同煎至貳盞去鹿肉再煎至盞半入阿膠消化去查溫服不拘時日進貳服

雲岐治產後中風半身手足不遂言語謇澁恍惚多忘精神不定

獨活

當歸

芍藥

防風

川芎

元參

天麻 各伍錢

桂心 叁錢

右咬咀以水捌升煮取貳升半分爲叁服覺効更

作一劑又作丸每服貳拾丸如有熱加葛根五錢
有冷加白朮五錢 若有氣證加生薑壹兩半若
手足不遂加牛膝壹錢半草薢叁錢黃芪肆錢
若腹痛加當歸芍藥各柒錢半 若不食加人參
伍錢元參壹兩 若寒中三陰所患必冷小續命
湯加生薑煎 若暑中三陽所患必熱小續命湯
去附子減桂心一半加薄荷煎

保命血氣湯 治產後諸風痿攣無力

秦艽

羌活

防風

白芷

川芎

芍藥

當歸

白朮

茯苓

熟地黃

各等分

右爲末一半蜜丸一半散酒調下伍柒拾丸妙

治產後風虛五緩六急手足頑痺氣血不調大豆壹升炒令熟熱投叁升酒中密封飲之

小品治產後中風語澁四肢拘急羌活叁兩爲末每服伍錢水酒各半盞煎去滓溫服

華陀愈風散 治婦人產後中風口噤手足痲癱如

角弓或產後血暈不省人事四肢強直或心眼倒

築吐瀉欲死

用荆芥穗

微焙爲末

每服叁錢豆淋酒

調服或童子小便服之口噤則挑齒灌之斷噤則灌入鼻中其効如神大抵產後大眩則汗出而腠理疎則易於中風也 時珍曰此方諸書盛稱其妙姚僧坦集驗方以酒服名如聖散云藥下可立待應効陳氏方名舉卿古拜散蕭存敬方用古老錢煎湯服名一捻金正貺指迷方加當歸等分水煎服許叔微本事方云此藥委有奇効神聖之功一婦人產後睡久及醒則昏昏如醉不省人事醫用此藥及交加散云服後當睡必以左手搔頭用之果然皆殷產寶方云此病多因怒氣傷肝或憂

氣內鬱或坐草受風而成急宜服此藥也戴氏證
治要訣名獨行散賈似道悅生隨抄呼爲再生丹
右產後中風用續命湯及羌活等發散之藥必
詳氣血以四物四君子相與各半停對分兩服
之可也

虛極生風[大]產後下血過多虛極生風者何答曰婦
人以榮血爲主因產血下太多氣無所主唇青肉冷
汗出目眩神昏命在須臾者此但虛極生風也如此
則急服濟危上丹若以風藥治之則誤矣 [薛]前證
若心脾血氣俱虛用十全大補湯如不應加附子鈎

藤鈎若肝經血虛用逍遙散加鈎藤鈎經云脾之榮
 在唇心之液為汗若心脾二藏虛極急用參附湯救
 之 一婦人患前證或用諸補劑四肢逆冷自汗泄
 瀉腸鳴腹痛余以陽氣虛寒用六君子薑附各加至
 五錢不應以參附各壹兩始應良久不服仍腸鳴腹
 痛復灸關元穴百餘壯及服十全大補湯方効
 濟危上丹

乳香

五靈脂

硫黃

元精石

同研極細

阿膠

炒脹

卷柏

生用

桑寄生

陳皮

去白各等分

右將上四味同研停於銀石器內微火炒勿焦了
再研極細後入餘藥爲末拌勻生地黄汁和丸如
梧子大每服貳拾丸溫酒或當歸酒送下食前

當歸建中湯

見產後
腹痛

口噤大夫產後中風口噤者是血氣虛而風入於頷
頰夾口之筋也手三陽之筋結入於頷產則勞損腑
臟傷於筋脉風若乘之其三陽之筋脉則偏持之筋
得風冷則急故令口噤也

葛根湯 治產後中風口噤仆地頭目眩暈痰盛氣
急及治產後諸疾

葛根

生薑各陸兩

獨活肆兩

當歸

參兩各去蘆

甘草炙

桂心

白茯苓

去皮

石膏

人參

去蘆

白朮

防風

各去蘆

川芎

各貳兩

右為咬咀每服伍錢水貳盞煎至壹盞半去滓溫

服無時日進二服

乾葛湯

深師

療產後中風口噤不能言

獨活

去蘆貳兩

乾葛

壹兩半

甘草

半兩炙

生薑

壹兩貳錢半

右為咬咀每服壹兩水貳大盞煎至壹大盞去滓

溫服無時

天麻散 治產後中風口噤

天麻 柒錢半 白附子 炮

天南星 炮

半夏

湯洗柒遍去滑薑製

乾蠍

炒各半兩

右為細末每服壹錢生薑薄荷酒調下幹開口灌之不拘時

當歸散 治婦人產後中風牙關緊急不省人事口

吐涎沫手足痲痺

當歸 去蘆

荆芥穗

各等分

右為細末每服貳錢水壹盞酒半盞煎至壹盞灌

之如牙關緊急幹開微微灌之但下咽即生屢用
救人大有神効

伏龍肝散 治產後中風口噤不能語言腰背疼痛

伏龍肝

壹兩半

乾薑

半兩炮

為細末每服貳錢溫酒調下不拘時日進二服

交加散 治產前後百病兼治婦人榮衛不通經脈

不調腹中撮痛氣多血少結聚為瘕產後中風並

宜服之

生地黄

壹升研取自然汁

生薑

拾貳兩研取自然汁

右先將地黃汁炒生薑滓生薑汁炒地黃滓各稍

乾焙爲細末每服叁錢溫酒調下尋常腹痛亦宜服產後尤不可離

角弓反張大夫產後角弓反張者是體虛受風風入諸陽之經也人陰陽經絡周環於身風邪乘虛入於諸陽之經則腰背反折攣急如角弓之狀也 薛前

證因氣血耗損腠理不密汗出過多而患之者乃虛象也宜固氣血爲主佐以本方丹溪云產後當大補氣血爲先雖有他證以未治之如惡寒發熱等證乃氣血虛甚之極也宜大劑參芪歸朮肉桂以培養之如不應急用炮附子再不應用人參壹兩炮附子貳

參錢名參附湯借猶未應乃藥力未能及也宜多用之

愈風散

當歸湯

羌活酒

並見前

羚羊角散

治產後中風身體反張

羚羊角屑

當歸

各柒錢半

獨活

防風

各去蘆

麻黃

去節各壹兩

人參

去蘆

赤芍藥

細辛

去苗

桂心

各半兩

右為咬咀每服捌錢水壹大盞半生薑伍片煎至壹大盞去滓溫服不拘時

小品療產後中風虛人不可服他藥者一物獨活湯

主之及一物白鮮湯主之亦可與獨活合煮之

川獨活

叁兩
細切

右水叁升煮取壹升分服耐酒者亦可酒水煮
一物白鮮湯 用白鮮皮亦依獨活法

產後中風瘖口噤面青手足急強者

以竹瀝貳升分爲五服溫溫頻服大効

治產後中風角弓反張口噤不語方

川烏

伍兩剉
如豆大

右取黑豆半升同炒半黑以酒叁升傾於鑊內急
攪以絹濾取酒微溫服壹小盞取汗若口不開者

幹開口灌之未効加烏雞糞壹合炒熟入酒中服之以瘥爲度

千金雞矢醴 療產後中風及男子諸風并產後百疾神効方又治產後中風口噤拘急困篤腰背強直時時反折

烏雞屎 叁升 大豆 貳升

右先炒豆令聲絕次炒雞屎令黃以酒壹升先淋雞屎取汁淋大豆每服壹升重者凡四五服極妙張文仲療產後中風風痙徧身冷直口噤不識人方白朮 肆兩 以酒叁升煮取壹升頓服効

細切

汗出多而變瘧。大產後血虛腠理不密，故多汗。因遇風邪搏之，則變瘧。瘧者口噤不開，背強而直，如發癩狀，搖頭馬鳴，身反折，須臾又發，氣息如絕，宜速幹口灌小續命湯，稍緩卽汗出如雨，手摸空者不可治也。

薛：產後發瘧，因去血過多元氣虧極，或外邪相搏，以致牙關緊急，四肢瘧強，或腰背反張，肢體抽搐，若有汗而不惡寒者，曰柔瘧；若無汗而惡寒，曰剛瘧。然產後患之，實由亡血過多，筋無所養而致，故傷寒汗下過多，潰瘍膿血大泄，多患之，乃敗證也。若大補血氣，多保無虞。若攻風邪，死無疑矣。一產婦牙關緊

急腰背反張四肢抽搐兩目連劄余以爲去血過多
元氣虧損陰火熾盛用十全大補加炮薑一劑而甦
又數劑而安 余在吳江史萬湖第入更時聞喧嚷
云某家人婦忽仆牙關緊急已死矣詢云是新產婦
出直厨余意其勞傷血氣而發瘧也急用十全大補
加附子煎滾令人推正其身一人以手夾正其面却
空開其口將藥灌之不嚙藥已冷冷側其面出之仍
正其面復灌以熱藥又冷又灌如此五次方嚙下隨
灌以熟藥遂甦 夷堅志云杜壬治郝質子婦產四
日瘧瘵戴眼弓背反張壬以爲瘧病與大豆紫湯獨

活湯而愈政和間余妻方分娩猶在蓐中忽作此證
頭足反接相去幾二尺家人驚駭以數婢強拗之不
直適記所云而藥草有獨活乃急爲之召醫未至連
進三劑遂能直醫至卽愈矣更不須用大豆紫湯古
人處方神驗屢矣

小續命湯 治產後中風及剛瘳柔瘳

陳臨川云雖然陳無擇評曰產後汗出多變瘳亦
令服續命湯此又難信旣汗多如何更服麻黃官
桂防己黃芩輩不若大豆紫湯爲佳局方大聖散
亦良藥也愚觀朱奉議云凡剛柔二瘳小續命湯

並可加減與之若柔痙自汗者去麻黃加葛根之
說朱奉議必有所據雖大豆紫湯大聖散良亦不
可偏見曲說有妨古人之意

大豆紫湯 治中風頭眩惡風自汗吐冷水及產後
百病或中風痙瘓背強口噤直視煩熱脉緊大者
不治 小品方主產後中風困篤背強口噤或但
煩躁或頭身皆重或身重痒發嘔吐直視並宜服
之

川獨活

去蘆壹兩半

大豆

半升

酒

叁升

右先用酒浸獨活煎一兩沸別炒大豆極焦烟出

急投酒中密封候冷去荳每服壹貳合許得少汗
則愈日進十服此藥能去風消血結如妊娠折傷
胎死腹中服此得瘥

陳臨川云凡產後口噤腰背強直角弓反張皆名
曰瘥又名曰瘥古人察有汗無汗以分剛柔陰陽
而治今產寶諸書有中風口噤一門又有角弓反
張一門其實一也如增寒發熱有類傷寒皆不論
及豈可只以一二藥治之

大豆湯 治產後中風發則仆地不省人事及妊娠
挾風兼治蓐草之間諸般病證

大豆

伍升炒黃

獨活

去蘆

葛根

各捌兩

防已

去皮陸兩

右咬咀每服伍錢酒貳盞煎至壹盞半去查溫服

不拘時日三服

麝羊角飲子

治產後氣實腹中堅硬兩脇脹滿心

中煩熱渴欲飲水欲成剛瘧中風之疾

麝羊角

半兩銚

防風

羌活

桔梗

並去蘆

敗醬

各捌錢

桂心

柴胡

去蘆

大黃

浸過煨各壹兩三錢

為咬咀每服五錢水壹大盞半同煎至壹盞去查

溫服不拘時候更服地黃酒用地黃切壹升炒令
黑甕瓶中下熱酒叁升密封口煮令減半任意服
之

防風當歸散

防風

當歸

川芎

地黃

各壹兩

右剉每服壹兩水叁盞煎至貳盞溫服

婁氏云續命湯大豆紫湯舉鄉古拜散太陽厥陰藥
也邪實脉浮弦有力者固宜但產後血氣太虛之
人不宜輕發其表但用防風當歸散治之爲妙

產後中風

女科

卷五

七

石經堂